

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

R J E Š E N J E
**o koncentraciji privrednog subjekta Banca Intesa S.p.a. Milano, Republika Italija i
privrednog subjekta Sanpaolo IMI S.p.a. Torino, Republika Italija**

Sarajevo
Februar 2007. godine



Broj: 01-05-26-019-12-II/06
Sarajevo, 15. februara 2007. godine

Na osnovu člana 25. stav (1) pod e) člana 42. tačka d) u vezi sa čl. 12., 14., 16. i 18., te u skladu sa članom 24. stav (2) Zakona o konkurenciji («Sl. glasnik BiH», broj 48/05), po Prijavi namjere koncentracije između privrednog subjekta Banca Intesa S.p.a, Piazza Paolo Ferrari 10, 20121 Milano, Republika Italija, zastupanog po Branku Mariću advokat, Mehmeda Spahe 24, 71000 Sarajevo, i privrednog subjekta Sanpaolo IMI S.p.a., Piazza San Carlo, 156, 10121 Torino, Republika Italija, zaprimljenu pod brojem: 01-05-26-019-II/06 dana 07.11.2006. godine, Konkurencijsko vijeće, na 41. (četrdesetprvoj) sjednici održanoj dana 15.02.2007. godine, je donijelo

R J E Š E N J E

1. Ocjenjuje se dopuštenom koncentracija na tržište bankarskih i finansijskih usluga u Bosni i Hercegovini koja nastaje pripajanjem privrednog subjekta Sanpaolo IMI S.p.a., Torino, Republika Italija, privrednom društvu Banca Intesa S.p.a., Milano, Republika Italija.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u Službenom glasniku BiH, službenim glasilima entiteta i Brčko Distrikta Bosne i Hercegovine.

O b r a z l o ž e n j e

Banca Intesa S.p.a., Piazza Paolo Ferrari 10, 20121 Milano, Republika Italija, putem ovlaštenog punomoćnika advokata Branka Marića iz Sarajeva (u daljem tekstu: podnosilac Prijave ili Banka Intesa), je dostavila Konkurencijskom vijeću dana 07.11.2006. godine Prijavu namjere koncentracije, kojom se banka Sanpaolo IMI S.p.a. Piazza San Carlo, 156 10121 Torino, Republika Italija (u daljem tekstu: Sanpaolo IMI) pripaja podnosiocu Prijave banci Banca Intesa, te će nakon provedene koncentracije banka Sanpaolo IMI, prestati postojati kao pravno lice, a sva prava i obaveze će preuzeti Banca Intesa, kao njen pravni sljednik.

U Prijavi namjere koncentracije (u daljem tekstu: Prijava) je navedeno da je podnesena na ocjenu nadležnim tijelima za konkurenciju Republike Italije, Sjedinjenih Američkih Država i Republici Sloveniji, a bit će podnesena i nadležnom tijelu u Saveznoj Republici Njemačkoj, Republici Mađarskoj, Irskoj, Republici Srbiji i Republici Slovačkoj. Nadležno tijelo Republike Slovenije dana 21.11.2006. godine je donijelo Rješenje o odobravanju namjeravane koncentracije.

Podnosilac Prijave je dostavio Konkurencijskom vijeću dopune Prijave dana 20.11.2006. godine, dana 27.11.2006. godine i dana 07.12.2006. godine. Konkurencijsko vijeće je nakon pregleda dostavljene dokumentacije, dana 27.12.2006. godine, uputilo podnosiocu Prijave zahtjev za dopunu iste, u skladu sa Zakonom o konkurenciji (u daljem tekstu: Zakon), nakon čega podnosilac Prijave je dostavio dio tražene dokumentacije, dana 29.12.2006. godine, i zatražio produženje roka za dostavu preostale dokumentacije. Konkurencijsko vijeće je razmotrilo zahtjev za produženjem roka za dostavljanje potrebne dokumentacije i odobrilo produženje roka, dana 05.01.2007. godine, u skladu sa članom 31. stav (2) Zakona.

Podnosilac Prijave (dana 12.01.2007. godine, dana 22.01.2007. godine i dana 25.01.2007. godine) je dostavio preostalu dokumentaciju čime je ispunio uslove za izdavanje Potvrde o urednoj i kompletnoj Prijavi, u smislu člana 30. stav (3) Zakona.

Slijedom navedenog Konkurencijsko vijeće podnosiocu Prijave je izdalo Potvrdu, dana 02.02.2007. godine broj: 01-05-026-019-10-II/06, kojom potvrđuje podnesenu Prijavu urednom i kompletnom.

Analizirajući podatke iz Prijave i ostalu dostavljenu dokumentaciju na osnovu koje je izvršena ocjena pozitivnih i negativnih efekata predmetne koncentracije, u smislu člana 17. Zakona, Konkurencijsko vijeće primjenjujući odredbe Zakona, Odluke o načinu podnošenja prijave i kriterijima za ocjenu koncentracija privrednih subjekata («Sl. glasnik BiH», broj 95/06), te Odluke o utvrđivanju relevantnog tržišta («Sl. glasnik BiH», broj 18/06) je utvrdilo sljedeće:

1. Pravni osnov i oblik koncentracije

Pravni osnov Prijave predstavlja «Plan pripajanja Sanpaolo IMI i Banca Intesa» odobren od Upravnih odbora oba učesnika koncentracije, dana 12.10.2006. godine, kojim se udružuje njihovo bankarskog poslovanja, je upisan u Registar privrednih društava u Torinu i Milanu, dana 30.10.2006. godine.

Pravni oblik koncentracije, u smislu člana 12. Zakona, je pripajanje privrednog subjekta Saopaola IMI privrednom subjektu Banca Intesa na način da će privredno društvo Banca Intesa preuzeti sva prava i obaveze banke Saopaolo IMI, a ista će navedenom koncentracijom pripajanjem prestati postojati, dok će okončanjem predmetne koncentracije novonastalo privredno društvo djelovati pod nazivom Intesa Sanpaolo Spa.

Prijava je proizašla kao obaveza, u smislu člana 14. stav (1) tačka a) Zakona, jer ukupan ostvareni godišnji prihod privrednog subjekta Banca Intesa i privrednog subjekta Saopaola IMI na svjetskom tržištu je iznosio preko 100.000.000,00 KM po završnom računu za 2005. godini (u godini koja je prethodila predmetnoj koncentraciji), i da Banca Intesa ima registrirano subsidijarno društvo u Bosni i Hercegovini (UPI Banka d.o.o Sarajevo).

Privredna banka Zagreb u Bosni i Hercegovini neposredno putem privrednog društva PBZ CARD d.o.o. Zagreb, društva u (..) **1% vlasništvu Privredne banke Zagreb vlasnik je (..) **% udjela u društvu Centurion finansijske usluge d.o.o. Sarajevo. Osnovna djelatnost privrednog subjekta Centurion finansijske usluge d.o.o. Sarajevo je posredovanje između trgovaca (ponuđača proizvoda i usluga s kojim imaju sklopljen ugovor o prihvatu American Express kartica) i korisnika American Express kartica. Prema podacima iz Prijave učešće American Express kartica je neznatno i iznosi oko 0,1% od ukupnog broja izdatih kartica u Bosni i Hercegovini.

2. Učesnici koncentracije

Banka Intesa

Banka Intesa je glavno privredno društvo grupe Intesa, koja djeluje direktno ili preko svojih (oko 3.100) podružnica u Republici Italiji i subsidijarnih društava (oko 750 podružnica) van zamlje uglavnom u zemljama Centralne i Istočne Evrope, te se bave najviše univerzalnim bankarstvom što podrazumijeva pružanje bankarskih usluga maloprodajnog i korporativnog bankarstva.

¹ (..) ** - Podaci predstavljaju poslovnu tajnu

Subsidijarna društva Banka Intesa u Bosni i Hercegovini

UPI Banka d.d. Sarajevo, Obala Kulina bana 9A, je registrovana kod Osnovnog suda udruženog rada Sarajevo broj U/I-3816/90 dana 09. januara 1991. godine. U skladu sa Zakonom o bankama FBiH UPI Banka je izvršila usklađivanje registracije kod Kantonalnog suda Sarajevo - broj UF/I-4091/00 dana 20. oktobra 2000. godine.

UPI Banka je registrovana za obavljanje bankarskih poslova u zemlji i sa inostranstvom, koje vrši putem svoje poslovne mreže, a koja se sastoji: sjedište u Sarajevu, 7 filijala (Bijeljina, Brčko, Gračanica, Gradačac, Mostar, Tuzla, Zenica), 4 poslovnice (Odžak, Bugojno, Kakanj i Visoko), te 6 šaltera (5 u Sarajevu i 1 u Srebreniku). UPI Banka je banka univerzalnog tipa koja je orijentisana na poslovanje s privrednim subjektima, stanovništvom, državnim i lokalnim partnerima.

Banca Intesa u privrednom subjektu UPI Banka d.d. Sarajevo ima neposrednu kontrolu putem Intesa Holding International S.A. Luxemburg koji u njemu ima (..)**% vlasničkog udjela.

Privredni subjekt LT Gospodarska banka d.d. Sarajevo, ulica Ferhadija 11, je registrovana kod Kantonalnog suda u Sarajevu u 2003. godine (sudskog registra broj 1-24039) za obavljanje bankarskih poslova i orjentisana je na poslovanje u segmentu univerzalnog bankarstva.

Banca Intesa ima posrednu kontrolu nad privrednim subjektom LT Gospodarske banke d.d. Sarajevo putem privrednog subjekta Privredna banka Zagreb d.d., Republika Hrvatska u kojoj ima (..)**% vlasničkog udjela, na osnovu vlasničkog udjela privrednog subjekta Privredna banka Zagreb d.d., Republika Hrvatska koja ima (..)**% vlasničkog udjela u privrednom subjektu LT Gospodarska banka d.d. Sarajevo.

Koncentracija privrednog subjekta Banca Intesa i privrednog subjekta UPI Banka d.d. Sarajevo, kao i koncentracija privrednog subjekta Privredna banka Zagreb i privrednog subjekta LT Gospodarska banka d.d. Sarajevo su prethodno dopuštene od strane Konkurencijskog vijeća.

Sanpaolo IMI

Sanpaolo IMI je najviše glavno društvo bankovne grupe Sanpaolo, koje djeluje prvenstveno u Italiji i to u bankovnom, finansijskom i osiguravajućem sektoru. Sanpaolo IMI je takođe, mada u manjoj mjeri, aktivna i van zemlje direktno i preko subsidijarnih društava ali ne posjeduje udjele niti u jednom društvu registrovanom na teritoriji Bosne i Hercegovine, niti na bilo koji drugi način djeluje na istom.

3. Analiza relevantnog tržišta

Članom 3. Zakona odnosno čl. 4., 5. i 6. Odluke o utvrđivanju relevantnog tržišta (Sl. glasnik BiH, broj 18/06) je određeno relevantno tržište kao tržište određenih proizvoda /usluga, koji su predmet obavljanja djelatnosti privrednih subjekata na relevantnom geografskom tržištu.

U analizi relevantnog tržišta učesnika predmetne koncentracije Konkurencijsko vijeće je utvrdilo da relevantno tržište usluga predmetne koncentracije čini tržište univerzalnog bankarstva, što podrazumijeva pružanje bankarskih usluga maloprodajnog i korporativnog bankarstva, a koje Banca Intesa S.p.a. obavlja preko svojih supsidijarnih društava na cijeloj teritoriji Bosne i Hercegovine.

Budući da podnosilac Prijave predmetne koncentracije preko subsidijarnih društava djeluje na cijelom teritoriju Bosne i Hercegovine, relevantnim geografskim tržištem smatrat će se cijela teritorija Bosne i Hercegovine

Stoga, relevantno tržište predmetne koncentracije čini pružanje usluga u segmentu univerzalnog bankarstva na cijelom teritoriju Bosne i Hercegovine.

Tržišno učešće Bance Intesa (preko subsidijarnih društava) u ukupnoj aktivi i segmentu univerzalnog bankarstva (maloprodajno i korporativno bankarstvo) Bosne i Hercegovine na dan 31.12.2005. godine prikazano je u narednoj tabeli:

R.b.	Subsidijarna društva Bance Intesa	Bankovna aktiva	Maloprodajno bankarstvo	Korporativno bankarstvo
01.	UPI Banka	3,73%	2,18%	5,75%
02.	LTG Banka	1,19%	1,71%	0,91%
	UKUPNO 1+2	4,92%	3,89%	6,66%

Zajednički tržišni udjel učesnika koncentracije na osnovu aktive je iznosio 4,92% ukupne aktive bankarskog sektora Bosne i Hercegovine, na osnovu maloprodajnog bankarstva je iznosio 3,89%, dok jetržišni udjel kod korporativnog bankarstva iznosio 6,66%.

4. Procjena koncentracije

Konkurencijsko vijeće je, nakon procjene i analize podataka i utvrđenih činjenica u postupku donošenja predmetnog Rješenja ocijenilo da provedba predmetne koncentracije ne vodi horizontalnom preklapanju učesnika koncentracije, s obzirom da privredni subjekat Sanpaolo IMI ne djeluje u Bosni i Hercegovini, te da će tržišni udjeli privrednog subjekta Banca Intesa ostati nepromijenjeni, i da navedena koncentracija neće proizvesti promjenu tržišnih pozicija na relevantnom tržištu.

Konkurencijsko vijeće je utvrdilo da koncentracija predmetnih privrednih subjekata ne sprječava, ograničava niti narušava tržišnu konkurenciju na relevantnom tržištu bankarskih i finansijskih usluga u Bosni i Hercegovini te je odlučilo kao u dispozitivu ovog Rješenja.

Administrativna taksa

Na ovo Rješenje podnosilac Prijave, u skladu s članom 2. tarifni broj 107. stav (1) tačka d) 1) Odluke o administrativnim taksama u vezi sa procesnim radnjama pred Konkurencijskim vijećem («Sl. glasnik BiH», broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

Pouka o pravnom lijeku

Protiv ovog Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja odnosno od dana njegovog objavljivanja.

Predsjednik

Gordan Raspudić